

Hukuman berat jika sabit kesalahan lakukan pembakaran terbuka: Lee

MIRI: Peruntukan denda sehingga RM100,000 dan penjara lima tahun di bawah Undang-Undang Ordinan Sumber Asli dan Alam Sekitar akan dikenakan bagi mereka yang disabitkan kesalahan melakukan pembakaran terbuka.

Menteri Bertanggungjawab Jawatankuasa Pengurusan Bencana Bahagian (JPBB) Miri Datuk Lee Kim Shin memberi peringatan kepada masyarakat untuk tidak sesekali melakukan pembakaran terbuka atau mereka akan berdepan dengan hukuman yang berat.

“Saya dimaklumkan oleh Pegawai Alam Sekitar Lembaga Sumber Asli dan Alam Sekitar Sarawak (NREB) Miri Joseph Uyo bahawa undang-undang ini telah dipinda dan diluluskan untuk dikuatkuasakan mulai tahun ini.

“Oleh itu saya gesa semua

agensi yang turun meronda untuk memberi amaran dan notis kepada petani-petani kecil, maklumkan kepada mereka undang-undang kita mengenai pembakaran terbuka telah diletakkan dan denda pun telah naik,” katanya kepada pemberita selepas melakukan lawatan ke pos kawalan di Kuala Baram di sini semalam.

Sehubungan itu, Lee yang juga Menteri Pengangkutan Sarawak meminta kerjasama semua pihak untuk mematuhi undang-undang ini bagi mengelakkan diri mereka diambil tindakan oleh penguatkuasa.

“Kita bukan suka-suka nak ambil tindakan, kita ambil tindakan sebab terpaksa kerana mereka melanggar peraturan.

“Tindakan mereka yang membuat pembakaran terbuka ini menyebabkan seluruh



STRATEGI BAHARU: Lee (tengah) berpuas hati dengan pos kawalan yang diletakkan di sebuah kawasan di Kuala Baram bagi membolehkan anggota Jabatan Sukarelawan Malaysia (RELA) melakukan rondaan mencegah kebakaran terbuka.

rakyat Miri menghadapi kes-
usahan terutamanya mereka
yang ada masalah kesihatan
seperti asma,” ujarnya.

Oleh itu, Lee merayu kepada mereka yang bercucuk

tanam di kawasan-kawasan
yang dilaporkan kerap berlaku
kebakaran pada tahun-tahun
sebelumnya untuk tidak mem-
buat pembakaran terbuka.

Hadir sama pada lawatan

tersebut ialah Pemangku Resi-
den Bahagian Miri Abdul Aziz
Mohd Yusof dan Ketua Jabatan
Bomba dan Penyelamat Malay-
sia Zon 6 Miri Penguasa Kanan
Bomba I Law Poh Kiong.